

**SESSIONI URDINARIA DI U 2021**

**RIUNIONI DI U 21 DI GHJINNAGHJU DI U 2021**

**N° 2021 /M2/36**

**QUISTIONI URALI DIPUSITATA DA ALEXIA VILLANOVA, A L'ATTINZIONI DI  
U SGIO PRISIDENTI DI U CUNSIGLIU ESECUTIVU**

**Oghjettu : Eco-responsabilité et effectivité des « clauses environnementales » et « d'éco conditionnalité » dans les marchés publics et les dispositifs d'aides de la CdC.**

Monsieur le Président du Conseil Exécutif,

A l'ora di a sfida ecologica, l'imperativi ambientali devenu cumandà l'azzioni di l'insemi di i rispusevuli. Di sicura, a Cullettività di Corsica devi dà l'asempiu in la so azzioni è in i so prirugativi, ch'ella sia in interna o cù i so cullaboratori. Ghjè vera ch'iss'esemplarità pari nicissaria, sia di u puntu di vista di a cuerenza glubali di a so azzioni, sia di pettu à a quistioni di l'usu di i soldi publichi.

Tandu, ci sò dui gran duminii induva a Cullettività pò purtà l'imperativi ambientali di manera concreta : prima i mercati publichi è po dopu in l'aiuti è sovvenzioni purtati à l'attori economici, culturali è siciali. Dui duminii di primura di pettu à a quantità di soldi in ghjocu.

Par ciò ch'è tocca à i mercati publichi, sapemi ch'è varii dispositivi ch'è favuriscianu u sviluppu durevuli è a prutezzioni di l'ambienti sò stati integrati in u dirittu di i mercati publichi francesu anzituttu dopu à a dirittiva aurupea n°2004/18/CE di u 31 marzu di u 2004 dirittiva ch'è ricunniscia l'aspetti ambientali cum'è criterii di selezioni. Oghji, à u dirittu di a cumanda publica ùn li basta più di sceglia « l'ufferta ecunomicamenti a più vantaghjosa » ma a **cumanda publica deve essa dinò « durevuli »**. U « Plan national d'action pour des achats publics durables » (2015-2020) avia postu un ubbiettivu in u 2020 di 30% di i mercati publichi cù una dispusizioni ambientali. Eppuru cunniscimu dinò a cumplexità tennica è ghjuridica di messa in opara di sti clausi è dispustivi.

Par ciò ch'è tocca à l'aiuti è à i sovvenzioni, sicondu u principiu custituziunali di a « libre administration », a Cullettività hè bedda più libara d'agiscia. In u 2009 dighjà, l'Assemblea avia

dicisu di purtà l'imperativi ambientali cù a so vulintà di ghjiniralizà i miccanisimi « d'éco conditionnalité » à a Cullettività è à i so uffizii è agenzi (diliberazioni N° 09/254 AC di u 14 di dicembri di u 2009). A Cullettività riaffirma di manera forti issa vulintà. Par asempiu, in u quattru di u raportu di u pianu d'azzioni nant'à i rumenzuli 2018-2021, era ramintatu l'impurtanza di issi dispusitivi di « éco conditionnalité » è a vulintà di sviluppà li nantu à a quistioni particolari di i frazi. Oghji chì hè oghji, issa vulintà pulitica s'hè cuncretizata dinò in u regulamentu d'aiuti à i cumuni è intercumunalità 2020-2024. Eppuru, ci pari quantunqua difficili di piddà a misura glubali di issi dispusitivi « d'éco conditionnalité » ; mancani à certi regulamenti d'aiuti di certi uffizii o limitati in a pratica cù l'assenza di mezi di cuntrollu ambiziosi...

Di fatti, Monsieur le Président, di pettu à a leva d'azzioni impurtanti è cuncreti ch'elli ponu raprisintà, issi dispusitivi ci parini nicissarii è interessanti assai ma vi vuliamu dumandà chì bilanci cuncretu ne pudeti fà? I servizii di a Cullettività a li facini o nò à sviluppà li? À chì statu di missa in opara ni semu? È par i punti chì ùn sarianu ancu messa in anda o pocu, comu si pudaria garantiscia ni u sviluppu? Di chì manera pò essa assicurati u cuntrollu?

Monsieur le Président, je vous remercie.